

# IZADI FURUNDARENA AGIRRE

D Maila | Bertsoa | 1. saria

Izadi Furundarena Agirren naiz, 14 urte ditut eta Beasiango Ikastolan DBH2.mailan nabil. Dantza, musika, abestea...ikaragarri gustatzen zaizkit eta denbora librean lagunekin egotearekin batera egiten ditudan ekintzak dira. Kulturaz gozatzea asko gustatzen zait eta horrekin gozatzen dut.



## ISPILUA

**Doinua:** Ihes betea

Hamalau urte beteta nago

ispiluaren aurrean,

bi urte luze pasatu ditut

begiratu ezinean.

Orain begiak irekitzean

iltzatuta gorputzean

goitik behera begiratu dut

nor neukan nere parean.

Masail gorriak, sudur luzea

eta txikia gainera,

beti dietan egonda ere

kiloak ziren sobera.  
Kirola eta gutxi jatea  
izan zen lehen aukera,  
bide hortatik heldu nahi nuen  
perfektua izatera.

Platerekoa, guztia neurtu  
eta ondoren pisatu,  
balantzarekin itsutu nintzen,  
hogeit bat kilo argaldu,  
gaizki nengoen, gaixo ta itsu,  
baina nola konturatu?  
Ingurukoek esan zidaten  
behar nuela aldatu.

Lehengo bizitza berreskuratu  
ta pisatzen dut gehiago,  
nire masailak ikusten ditut  
orain askoz beteago,  
gorputza berriz, kurba ta guzti  
lehen baino ederrago.  
Ispiluaren lagun eginda  
nago zorientsuago.